

2

CHLT 5237.38/5604

CHINESE-JAPANESE COLLECTION

HARVARD COLLEGE LIBRARY

FROM HARVARD-YENCHING INSTITUTE 2

OCT 11 1932



2



陳朝太子朱煚

出使臣節

陳朝太子朱煚

出使臣節

陳朝太子朱煚

出使臣節

陳朝太子朱煚

出使臣節

陳朝太子朱煚

出使臣節

陳朝太子朱煚

宋百家詩存卷第二

目次

穆脩 穆參軍集

宋祁 景文詩集

黃庶 伐檀集

劉敞 公是集

陳洎 陳副使遺藁

哈佛大學漢和
圖書館珍藏印

穆參軍集

嘉善 曹庭棟 六圃 選

穆脩字伯長天平人真宗東封詔舉經明行修之士
脩預選特賜進士調泰州司理參軍負才忤監郡者
誣以罪貶池州逢恩徙潁州文學掾脩性剛介嘗有
豪士作佛廟脩爲作記記中不及士名士遺以金脩
絕之曰吾寧餬口爲旅人不以匪人污吾文也時文
尚聲偶脩獨以古文稱明道元年卒年五十四慶曆
中祖無擇輯其遺稿祖龍學爲之序

江南寒食

江城水國春光饒清明上巳多招邀花陰連絡青草岸

柳色掩映紅欄橋歌調嘔啞雜吳俗髻鬟疎削傳南朝
誰憐北客歸未去楚魄湘魂惟暗消

送毛得一秀才歸淮上二首

江天梅雨晝瀟瀟送別愁吟白紵謠處士才高融未薦
騷人魂斷玉方招自傷櫪驥心千里空羨溟鵬志九霄
酒罷征鞍迢遞去不堪回首木蘭橈
君歸迢遞淮西路我客蕭條秋浦城惻惻相看復惻惻
行行送別重行行途中猿鳥哀聲斷馬上雲山遠碧橫
富貴窮通俱未決直傾尊酒沃離情

魯從事清暉閣

庾郎真好事溪閣斬新開水石精神出江山氣色來疎

煙分鷺立遠靄見帆迴公退資清興閑吟倚檻裁

送葛源之太和主簿

勿歎從卑位聊欣適去情愁風九月急飛鳥一帆輕
鱸斲江鱗活杯嘗楚釀清歡華莫回首寵辱正堪驚

江南春

杜若谿邊待釣船怨紅傷翠助鷓鴣戰回春色青蒲劔
買破韶光綠苻錢千嶂遠圍芳草國一江晴浸落霞天
未知多感多愁客何處偷尋甕底眠

寒食

江邊又寒食僮客奈離襟恨滿王孫草愁多望帝禽鷄
毬輕薄事歌酒宴遊心盡付吳兒輩惟知屏跡淡

江上送陳翹還無爲

江上寂寥春雨晴江邊冉冉春潮平相逢未盡斗酒醉
相送又速孤舟行篔簹竹窮鎖秋浦郡煙波渺隔無爲城
音塵兩地不千里勿使負君金玉聲

殘春病醒

風簾窸窣燕啐啐臥對殘芳起鬱陶乍困遊鞍春尚在
未醒扶枕日初高煩腸屢沃瘠難解病髮慵簪癢更搔
欲爲風光輕賦別正無膠賴染江毫

和毛秀才江墅幽居好十首

并序

滎陽毛生有墅在宣城之南陵嘗作邨居詩十
首其詩用律格五言四韻每篇皆同上之一句

元和長慶來詩人多是體生之往還躡而和者
數人暨攜北來出以相示予諷其篇而悅其事
旣恨未得往從之遊喜其韻而繼之得以盛言
生所居之樂宣城實江外之郡而墅且在焉因
首用是句

江墅幽居好當門看水田鳧鷗閑夕照秔稻秀原煙野
屐無完齒山衣有敗肩遙聞雙闕下簫鼓樂豐年
江墅幽居好南塘枕野亭菰蒲顫風綠菱苳蓋波青繫
葦一魚艇翹煙雙雪翎相攜二三叟扶醉不曾醒
江墅幽居好谿山數里長徑通茶塢綠門枕橋園香藉
石還勝榻聽松不讓簧閑游驚里巷自作隱淪裝

江墅幽居好老農時款扉濁醪猶共醉野話但無機山
雨欲到檻竹風先滿衣南溪秋更樂稻熟又魚肥

江墅幽居好賓來定不愁酒釀新出榨魚活旋離鉤移
席追松影調琴和澗流陶狀方外樂名教繫何由

江墅幽居好柴關帶竹籬田頭餉耕後樹裏灌園時鄰
靜鳴秋織樵閑對野棋抵噉非我事大笑引蘇錐

江墅幽居好何妨鄙事添神隨山父賽筮學野人占露
草牛羊喜秋霖黍豆嫌短牆衰柳下寒水半渠淹

江墅幽居好名山對九華疎篁十餘畝古屋兩三家確
下雞爭黍籬根虺逐蛙水邊閑送目獨鳥在秋槎

江墅幽居好身如醉伯倫浮名拋可得荒宴罷何因醅

酌乘籃輦逍遙岸角中人閒莫回首容僞不容真

江墅幽居好人閑晚最孤魚臨溪樹釣鳥隔水煙呼野
竹挂薜荔山花睡鷓鴣畫工能狀出差殺輞川圖

過西京

西京千里帝王宮無限名園水竹中來恨不逢桃李日
滿城紅樹正秋風

邨郭寒食雨中作江南體

寂寥邨郭見寒食風光更著微雨遮鞦韆閑垂愁稚子
楊柳半溼眠春鷓鴣社皆驚放狂客青錢盡送沽酒家
眼前不得醉消遣爭奈惱人紅杏花

合歡芍藥

薰風對拆香心破，浩露雙滋粉面新。
油壁車中同載女，菱花鑑裏並妝人。
皇英帝子鍾遺艷，琬琰宮姬託後身。
誰道獨呈芳瑞晚也，勝常調牡丹春。

故侯園

池館朝來瓦礫存，路傍看取故侯園。
身前便作荒涼計，祇樹芳菲不樹恩。

送定師南遊

營營學佛徒，皆喜訾吾道。
憐師獨異羣，儒藝知揆討。
誦詩三四章，往往見辭藻。
玉璞在琢磨，不難成至寶。

送人至邊塞

豈憚河湟遠，男兒效主恩。
窮邊人不到，孤戍自分屯。
馬

放晴沙暖烽傳晚，日昏軍前初謁帥。
戎服走轅門

獨遊

水曲林幽獨杖藜，
邠筒香入亂花攜。
輕肥不得尋春意，
動要笙歌逐馬蹄。

貴侯園

名園雖自屬侯家，任客閑遊到日斜。
富貴位高無暇出，主人空看折來花。

玉津園

君王未到玉津遊，萬樹紅芳相倚愁。
金鎖不開春寂寂，落花飛出粉牆頭。

登莒子臺

菖國卬瓏在菖臺荆棘深憑高一極目懷古重傷心平
楚滄煙暝遙峯白日沈誰論客懷抱灌木自悲吟

燈

杳杳有時當永恨依依何處照閑眠靜臨客枕愁寒雨
遠逐魚蓬耿暝煙纖影乍斂還自立冷花時結不成圓
銷魂猶憶江樓夜曾對離觴賦短篇

登女郎臺一首

臺前流水眼波明臺上閑雲鬢葉輕莫把姑蘇遠相比
不曾亾國只傾城

贈適公上人

喜得師消耗從僧問不休苦吟成白髮多病寄滄洲道

氣閑尤勝書餘晚更適相思二千里阻別十三秋想歎
歐生逝應聞李氏憂尋思祇如此必竟欲何求未卽無
言問方期勿藥瘳終爲嵩少約築室共夷猶

燭

一箔珠簾掩映垂房櫳清染麝香枝佳人盼影橫哀柱
狎客分光綴艷詩禁鎖翠明初唱漏官窗紅短尚圍棋
長宵且秉歡遊去無限風情見古辭

一百五日同周越陳永錫遊吉祥僧舍

痛飲方期數百杯尋芳何事又空回花愁酒困春無著
卻訪野僧蕭寺來

題李士言秀才別貯帕

蘭薰麝裊輕綃帕畧許攜持又索還題破白雲深有意
要傳消息到巫山

景文詩集

嘉善 曹庭棟 六圃 選

宋祁字子京開封雍邱人與兄庠同試禮部會諒陰
止奏名以祁爲第一庠第三章獻太后曰弟可先兄
乎乃擢庠第一而寘祁第十累遷翰林學士命修唐
書書成進工部尚書踰月拜翰林學士承旨復除羣
牧使卒年六十四祁將終自爲誌銘戒其子勿請諡
其後張方平言祁應得諡賜諡景文史稱祁非特文
章表見於世其守邊議兵之畧雖古之名將亦不能
過有詩文集百卷原本失傳是編祇存詩集四卷真
片鱗隻羽耳

籍田頌

倬彼鮮原帝藉於田匪藉其勤我爲民先悠悠春旗颯
土於畿陽膏澤澤邁於三推有壬有林亦莫不祇我疆
我理或耘或耔實苞實茂芾厥豐草田峻至喜祈年伊
蚤我穀用成我倉旣盈我倉耽耽種於東南其用伊何
事神薦馨爲酒爲醴爲粢爲盛烝之浮浮釋之叟叟上
帝居歆降福孔休降福伊何我民旣蕃室家溱溱三事
不諼食足武奮震疊爾功蠻夷來同罔不率從帝猷昭
升式於九圍兢兢業業以忠萬幾在豐念匱在飫思飢
子子孫孫勿替引之

初伏休沐

伏詞詔休偃閉門謝朋儕羲和挾升陽曉氣紅崔嵬炎
林鬱歆霧焦原橫赭埃怒甚萃萃雲旱始隆隆雷沉我
庇茨宇煩襟安得開囚拘訴巾幘仇怨避酒杯湯沐未
及具返爲蟣蝨哈北風殊杳嘿羲人安在哉

錦亭晚矚

長至宐高明緩帶散煩窘憑軒一超朕目與天共盡山
從雲端見日就林外隱風來草樹披煙生井閭近自公
況多暇翀臆無畱蘊卽此可宴居何須事遊軫

九日藥市作

陽九協嘉辰斯人始多暇五藥會廣廛遊肩鬧相駕靈
品羅賈區仙芬冒闔舍擷露來山阿斲煙去崑罇載道

雜提攜盈簷更薦藉乘時物無賤投之利能射養芥互
作主淺齋交相假音架曹植謹鴈令韓康無二價西南歲
多癘卑溼連春夏佳劑止刀圭千金厚相謝刺史主求
瘼萬室繫吾化顧賴藥石功捫襟重慙喏

思賢閣圖余真愧而成咏

忝中二千石罷去輒圖真揆余本完士蚤蒙善養仁執
笏班華位飛綏侍邃宸如何金紫服乃裏邱壑身西南
一面重竭來駕朱輪牽拙歲再期初無德在民形象安
足紀崖畧聊自陳質陋眸子瞭志泰看宇伸誰謂彼其
子而傳阿堵神爵里三十八自參豫呂公而下凡四十
一人雷太尉張尚書程樞
密皆赫赫多名臣瞻前謝前哲垂彼慚後人
再至

題信相院默庵

對言方有默因默乃名庵庵畱默不遣一物遂爲三龜
埽泥中痕正恐力弗堪自問阿默者了狀成妄談

月季花

羣花各分榮此花貫時序聊披淺深艷不易冬春慮真
宰竟何言予將造形悟

玉玫瑰

瑤楮鏤空濛冰紈捲重疊寒光欲衝斗迴秀難藏葉誰
碎辟邪香氤氳飛作蝶

海欒

哆熾風葉張困皴雨皮厚叢榛列蓋端攢旄注旗首物

以希見珍材緣怪忘醜

枇杷

有果產西裔作花凌蚤寒樹繁碧玉葉柯壘黃金丸上都不可寄咀味獨長歎

和賈相公覽杜工部北征篇

唐家六葉太平罷宮艷醉骨恬無憂孽虜詬天翠華出模糊戰血腥九州乾瘡坤痍四海破白日殺氣寒颼颼少陵背賊走行在採柶拾橡填飢喉眼前亂離不忍見作詩感慨陳大猷北征之篇辭最切讀者心隕如搖輶莫冑念亂小雅怨自狀流涕袁安愁才高位下言不入憤氣鬱屈蟠長虬今日奔亾匪天作向來顛倒皆廟謀

忠骸佞骨相撐拄一燎同燼悲崑邱相君覽古慨前事追美子美真詩流前王不見後王見願以此語詒千秋

春晏宴北園

天意歇餘芳人閒日始長落花風觀閣睡鴨雨池塘稍倦持螯手猶殘婪尾觴春歸無所豫羈客自回腸

長安道中悵狀作三首

三輔古風煙征驂悵未前山園蓬顆外

賈山議始皇侈葬言後世不得

蓬顆蔽冢宮室黍離邊樹老經唐日碑殘刻漢年便須真隕

涕不待雍門絃

興亾作今古事往始堪悲宮破黃山在城空北斗移走岡寒兔隱啼戍暮鴉飢灞岸重回首惟餘王粲詩

城闕今安在關河昔所憑種祠秦故時抔土漢諸陵苑
樹圓排薺樓雲澹引繒南山不改色千古恨相仍

寒食日送李公佐歸漢東

有客改南轅春郊駐祖筵尊寒禁火國風暖浴沂天茂
草平無際殘花慘更妍鹿鳴偕計近簪盍約初年

贈清逸魏開處士

奕世依岳石褒恩下帝庭姓名高士傳父子少微星池
漚遙通澗家林近帶垌分明詔書意天極賜鴻冥

答勸農李淵宗嘉州江行見寄

嘉月嘉州路軻峩按部船山圍杜宇國江入夜郎天霽
引溪流望涼供水閣眠愧君舟楫急遂欲濟長川

春晦寓目二首

春序倏云晚高臺芳意多花成風地纈鳥作暝林歌樹
氣熏繁幄池文疊細波夾城歸騎散煙絮徧銅駝
春意都無幾還持歡緒歸遊蜂抱蕊去驚燕失泥飛風
下幡幡影霞畱暝暝霏遙知瑤席恨不減欲霑衣

集江瀆池二首

五月追涼地滄江賸素漣林煙昏岸日樓影壓池天篠
密工迷徑荷敲巧避船機忘更何事魚鳥亦畱連
飛檻枕溪光歡言客徧觴暫雲消樹影驟雨發荷香辛
白橙齋熟庖刀鱠縷長蘋風如有意盈衽借浮涼

七月二十七日

客鴈歸何處寒螿鳴不休兼之清夜永副以長年愁家
令有移帶中郎餘白頭此懷誠自感何賴怨高秋

七月二十八日

秋物向搖落客心真悄狀高風已涼夜澹月始晴天拂
幌單練怯凝塵故扇捐露華休蚤滴羈鷁不曾眠

再遊海雲寺作

十里雲邊寺重驅千騎來天形敬野盡江勢讓山回園
柰濃成幄樓鐘近殷雷斜陽歸鞅促飛蓋冒輕埃

避暑江濱池

溪淺容篙短舟移覺岸長煙稠芰荷葉霞熱荔支房枝
壘三搗鼓杯寒十饋漿便成逃暑醉官事底相妨

揚子雲墨池

卽草元所

宅廢經池在人亾墨濡翰蟾蜍兼滴破科斗共書殘蠹
罷芸猶翠蒸餘竹自寒長楊無可問撫物費長歎

司馬相如琴臺

故臺千古恨猶對舊家山半夜鸞凰去他年駟馬還死
憂封禪晚生愛茂陵閑惟有飄飄氣仍存天地閒

寒夜始長

四海秋風晚千門夜刻長梧桐老空井蟋蟀近人牀暗
燭勤垂燼離鴻短趁行生平江海志耿耿未渠央

將歸二首

遠假西南守三逢梅柳新衰令宦情薄老惜歲華頻郵

釀供銷日巴禽巧喚春離家何所恨鴈後作歸人
雲棧短長亭今茲重作經叩唳叱殘馭蜀分使回星旅
鬢雙垂雪羈懷一汎萍驪駒在門久此曲若爲聽

臘後晚望

寒日繫難定鳴笳弄已休凍崖初辨馬昏谷自量牛漢
樹臨關密胡泉入塞流登高能賦未風物古堯州

城隅晚意

寥寥天意晚稍覺井闌閑木落呈全嶼雲生失半山牛
羊樵路暗燈火客舟還暝思輸鳧鵠歸飛沆漭閒

西樓夕望

炎氛隨日入岑寂坐遙惟倦鶯昏投浦驚蟬夜去枝桂

花兼月破槎影帶星移珍重窗風好義人卽此時

中秋新霽壕水初滿自城東隅泛舟回謝公命賦
齋舫譚經後官池載酒行斜陽鳥外落新月樹端生演
漾思江浦夷猶遶郡城東轅有遺恨日日物華清

陪謝紫薇晚泛

積雨漲秋壕輕舟共此遨菰蒲斂鉉鏐蓮芡熟橐鞬岸
靜魚跳月林喧鳥避篙歸時興不淺風物正蕭騷

歲除

彫節眞如借良宵此向闌家儲宿歲酒鄉送大儺寒舊
卉回新物來情續往歡匆匆餘幾刻催具五辛盤

過惠崇舊居

崇工詩有名於世

雖昧平生契懷賢要可傷生涯與薪盡法意共燈長遺
畫空觀貌殘詩孰補本院惟有師神期通一語無乃
困津梁詩彙數卷

中山中秋對月

圓期歷秋半飛影破雲端明極翻無夜清餘遂作寒桂
繁團露溼輪駛度河乾且置窮邊思何殊故國看

僑居二首

抱病苦幽憂都城困倦遊身拋禿翁板言入碑家流世
路風波惡天涯日月適危心正無泊將底喻窮愁
公宇靜寥寥居朕俗意銷展閑誰記齒帶適自忘腰畎
首秋殘穫城西日暮樵比來行樂熟隨意度溪橋

入壬辰新歲

五十爲衰始仍餘五歲衰雙眸不明鑒殘鬢已紛絲銅
虎雖頻剖荷囊信濫持何須依老格新詔七十不致
仕許有彈劾先
作故山期

夏日陪提刑彭學士登周襄王故城

聊隨漢使者一上周王城片雨北郊晦殘陽西嶺明野
禽呼自別香草問無名誰復黍離咏但興箕穎情

東晉

倉卒浮江日聲明建號初羣臣讓禁鬻上宰製單練氣
銳開桁戰心歡折屐書織兒競撞壞不念好家居

奉和聖製清明日

璇杓臨乙位義御屈婁初碧浪桃花湧珍叢錦段舒輪
蹄睛縹緲鐘漏夕虛徐穆穆宣溫殿披文日有餘

途中新歲憶三城兄長相公

馬上逢元朔匆匆記物華趁盤呈柏葉偷筆弄椒花臘
暝殘晨炬春輝上蚤霞三城今日酒知我獨思家

九日至衛南

良辰獨據鞍節物彊相干酒駐衰顏淺風欺客帽寒暫
吟非有屬倦曲不成歡多謝黃花意還如故國看

答朱公綽牡丹

珍蘂分清賞飛郵附翠籠蹄金點鬢密璋玉鏤跗紅香
惜持來遠春應摘後空玩詩仍把酒恨不與君同

贈楞嚴舒公上人

丈室錦城隈庭閑地徧苔飯從香積取花續少林開講
晝經殘葉禪宵燭委煤無嫌一時學要是暮雲才

遣吏視諸公瑩樹回有感

文正王丞相

兩朝從巨德萬務罄斯猷漢日左右手堯年忠孝侯名
言天下滿故事省中畱宸篆旌碑首刊文又幾秋

述其事

文靖呂丞相

慶曆公三入虜謀搖太平啖金真閒敵撓

呼高反

酒不寒

盟上印情離切

公被病求退不許

然髭疾遽輕

上翦髭賜公

惜哉天

弗慙宸幄淚先橫

宣獻宋公

昔去勸明辟

明肅朝公勸還女

俄歸參大鈞公孫未及相諸葛

已傷神名待天淵蔽文爭日月新英魂同玉樹不向土中春

九日侍宴太清樓

薦九標佳節中天駐翠輿晨光清複道秋色徧儲胥畦
稻霜成後宮橙露飽初省收行步玉拜賜儼華裾

皇帝臨視

刈稻宣許從臣同觀又令觀橙訖並賜橙稻新米

曼衍來長樂鴟夷下屬車帝

韶儀瑞鷗玉藻躍恩魚霽霧供披拂涼風助埽除高楊
穿葉外仙菊泛花餘寒入弓聲厲歡畱酒算徐神池元

不浪溫樹未曾疎帝眷憑秋稼臣心仰夏渠承平將樂
事併入史臣書

懷古眺望

城闐聊屬眺千古恨悠悠夏享空臺毀韓亾故社畱

鈞臺

韓城悉有遺址在

廟祠旌穎鳳

黃丞相祠並鳳皇里

溪水識巢由

潁水過城下

春色依林動晨煙傍戍浮牙駒閑自集田鶴叫相求町
篠黃緣密川葭藋靡柔櫟墟迷鄭鄙隗路隔軒遊

春秋櫟邑

莊周載大隗山皆在

感昔如吾輩曾經幾斛愁

喜雨答李都官

夜魄離星舍春膏浹大田乍迷榆塞樹徐暗柳營天沼
滴銀波蕩階鳴玉綆絃餘萌催離土殘魃趣沈淵迴溼

來鶯外斜寒去鴈邊莓莓滋野秀纂纂濯花妍戴響饒
農笠眠聲羨釣船罇雲時露日迷岫旋埋煙酌酒聊相
勞斯倉貯有年勞君歌閔雨予志謝先賢

九日

帝京蒙福近相國偃藩初甕熟中齋酒廚鮮上客魚高
懷日蕭散外物久驅除犀首無妨飲宣尼或飯疏林凋
疑野闊荷罷似池虛此樂憑誰辨須煩藻思餘

和晏相公九日郡宴

令序凝秋籥歡遊駐使軒行觴酒籌密踏節舞鞞翻榴
熟丹房解萸香紫粒繁風頭獵輕慘日腳送斜暄鏤管
新篇逸轉運學士吹花舊俗存請爲丞相壽長久慶調

卽席賦詩

元

覽蜀宮故城作

國破江山老人亾岸谷摧鴛飛今日瓦鹿聚向時臺故
苑猶霏雪荒池但劫灰頽遺糊處壤闔記數殘枚恨月
窺林下悲風覓隴來依城狐獨速失廈燕裴回廢社纔
存樹陰垣自上苔有情惟杜宇長爲故王哀

集海雲鴻慶院

地勝祠仍古春餘物徧華山雲時抱石佛雨不萎花嶺
挾樓梯峻崑牽殿城斜淙溪雜環珮怪蔓走龍蛇供坐
僧飛鉢香園客戲沙吾遊真草草浚意屬青霞

十日宴江瀆亭

節去歡猶在賓來賞更延悠揚初短日淒緊乍寒天霽
沼元非漲秋花自少妍蟻畱新獻耐蕙續不殘煙戲鯁
衝餘藻遊龜避折蓮流芳真可惜從此遂周年

憶浣花泛舟

蚤夏清和在晴江沿沂時岸風搖鼓吹波日亂旌旗醉
纒牽湘蔓遊鬢撲絳綈樹來驚浦近山失悟舟移雅俗
西南盛歸輶東北馳此歡那復得拋恨寄天涯

中秋望夕不見月

異時涼月好常爾惜嚴更此夜浮雲惡胡狀溷太清心
孤王粲牘業對景山鎗海蚌猶能滿城烏更不驚徘徊
循北牖黯澹倚西楹蛩杼逢時急釭花得闔明桂高應

自秀蟾遠太無情坐想瑤輪轉孤懷悵未平

予昔遊雲臺觀謁希夷先生陳搏祠堂緬想其人
今追作此詩

仙館三峯下年華百歲中夢休孤蝶往

此言先生善睡一寢逾一月

蛻在一蟬空

有家在華山下

蕊笈微言祕霄晨浩氣通丹遺舐

後鼎林遣御餘風宿霧沈荒白餘霞委暗紅蛾眉有歸
約飛步與誰同

先生化去前三日語弟子云吾遊蛾眉弟子訝不辨裝至期而終

蜀地海棠繁媚有思加膩榦豐條苒弱可愛北方

所未見諸公作詩流播西人余素好玩不能自默

狀所道皆在前人陳迹中如國風申章亦無愧云

蜀國天餘煦珍葩地所宜濃芳不隱葉併艷欲然枝襞

綵分羣萼均霞點萬蕤回文錦成後夾煎燎烘時蜂蕊
迎銜密鶯梢向坐危淺淡雙絕態啼笑兩妍姿絳節排
煙竦丹釭落帶垂童容郭畏薄便面到憂遲媚日能徐
照暄風宵遽吹蜀少疾風故花愈盛惜觀當晚晚畱恨付離披麗
極都無比繁多僅自持損香饒麝柏照影欠瑤池畫要
精侔色歌須巧騁辭舉尊頗語客細摘玩芳期

次韻和季長學士正月二十八日出郊見寄之作

雅俗傳祠日

州人以二十八日祠保壽侯及唐杜丞相於崇真堂

年華重宴辰初

陽澹江霧小雨破街塵

是日雨而不濘遊人皆集

客蓋浮輕吹齊刀

儼後陳林芳催兔日原色換龍鱗壤路歌聲雜禱倡舞
疊新持杯徧酬客唯欠眼中人

上元景燈紀事

泛膏聞舊典秉燭嗣芳辰霞破初迎月寒林即讓春鈞
天移帝樂北斗下城闔匝地沈香燎浮空羅襪塵並珂
馳寶仗分幘驚彫輪忽去騰夷路還來競耍津酒胡矜
耐美梅額銜妝新誰見甘泉時昏祠遂至晨

清明值雨

有滄興芳序餘寒惜慘悽遠山沈向盡雜樹望先迷天
闊都成暝雲昏本自低漂灰禁餘火浮棗被殘溪檻篠
風爭亞汀鳧夜不棲蓬聲攢釣渚蓑滴擁煙畦積潤侵
重繡長嚴壓曉輦遊人盤馬路獨漉逐春泥

寒食假中作

九門煙樹蔽春塵
小雨初晴潑火前
草色引開盤馬地
簫聲催暖賣餠天
縈絲蚤絮輕無著
弄袖和風細可憐
鼇署侍臣貪出沐
珉糜珠餽愧頒宣

落花

墜素翻紅各自傷
青樓煙雨忍相忘
將飛更作迴風舞
已落猶成半面妝
滄海客歸珠迸淚
章臺人去骨遺香
可能無意傳雙蝶
盡付芳心與蜜房

答友人清明雨思

楚雲朝暮蔽前峯
佳節尋芳已半空
三日薰爐沈蕙綠
一星春火迸榆紅
文鱗對擲回塘水
賀燕交飛翠幕風
悵憶沈齊題句罷
碎英無響墜華桐

春宴行樂家園

園苒初乾小雨泥
飲壺遊屐況親攜
身輕蚤蝶千回舞
技癢新禽百種啼
乘飲草茵侵坐軟
畏風桃綬向林低
陽暉自有畱人意
銜照高樓未遽西

真定述事

莫嫌屯壘是邊州
試聽山河說上游
帳下文書三幕府
馬前鞞鞋五諸侯
王藩故社經涂國
俠窟餘風解報仇
四十年來民緩帶
使君何事不輕裘

成都

風物繁雄古奧區
十年僮父巧論都
雲藏海客星閒石
成都有一石人傳嚴君平
所辨星石今在巖真觀
花識文君酒處壚
兩劒作關

屏對繞二江聯派練平鋪此時全盛超西漢還有淵雲
杼頌無

九日宴射

佳節憑高駐綵旗亭臯霧罷轉晨曦朔閒羽集號猿後
臺外塵飛戲馬時芳菊治疴爭泛蕊丹萸辟惡徧傳枝
明年此會知何處醉玉顏山不用辭

北樓

少城西北之高樓此地蒼茫天意秋驚風白日忽已晚
落葉長年相與愁極塞雲物自慘澹趨林鳥雀時啁啾
纓上朔塵久不洗安得手弄滄江流

七夕二首

西南新月玉成鉤奕奕神光渡飲牛素采低浮承露掌
清香不散曝衣樓天邊華幄催雲卷星外橫橋伴客愁
莫使銀河到滄海人閒溝水易東流

開秋七夕到佳辰里俗爭誇節物新烏鵲橋頭已涼夜
黃姑渚畔暫歸人徘徊月御斜光斂宛轉蛛絲巧意真
卜肆沈冥誰復問年年槎路上天津

高亭駐眺招宮苑張端臣

蜀天向臘寒未極倚檻綿睇亭皋分一萍團紅江上日
數蓋澹白樓頭雲杯中竹葉與誰舉笛裏梅花那忍聞
願君枉步數相勞他時離緒徒紛紛

清明

曉日東南欲照梁，藏鴉密柳暗橫塘。行庖束密停晨爨，別館熏衣冷夜香。陌上鮮風橫去憶，陽濱翠瀨泛行觴。獨嗟楚客流芳晚，淹臥悵悵啼眼長。

擬杜子美峽中意

天入虛樓倚百層，四方遙謝此登臨。驚風借壑爲寒籟，落日容雲作暝陰。峴井北拋王粲宅，楚衣南逐女嬃砧。十年不識長安道，九籥宸開紫氣深。

九日置酒

秋晚佳辰重物，華高臺複帳駐鳴笳。邀歡任落風前帽，促飲爭吹酒上花。溪態澄明初畢雨，日痕清澹不成霞。白頭太守真愚甚，滿插茱萸望辟邪。

江濱亭

一翬掀翅壓溪隅，吏事初閑此宴居。斷岸有時通畧約，輕風盡日戰旂欄。雲鴻送日揮絃後，客板看山挂頰餘。芟碧蒲青來更數，江人多識使君旟。

春日出浣花

側蓋天長蕩曉霏，暖風纔滿使君旗。水通江渚容魚樂，草徧山梁歎雉時。場雨滅塵盤馬疾，樓雲礙曲進觴遲。少陵宅畔吟聲歇，杜子美宅在浣花溪上柳碧梅青欲向誰。

中山立秋

峯雲曉影破孱顏，萬里風生結蚤寒。人在兜鈴煙外走，歲從鶻鴟口中殘。槽花併滴添新酎，笥月兼輪掩故紈。

白髮光陰誠可惜五年搔首望長安

把酒

歌管嘈嘈月露前且將身世付醄狀謾誇鼯鼠機頭箭
不識醯雞甕外天青史有人譏巧宦黃金無術治流年
君看醉趣兼醒趣始覺靈均更可憐

送客尋春集裴氏園

尋春送客共畱連雨罷春郊物物妍黃抹柳梢初徧後
紫黏花萼未開前朋襟自爲交歡慘醉學誰能辨聖賢
猶賴斜陽催跋馬不厭離恨損絲絃

玩園花小集

中園愛客重遊陪二月林花落復開鏤管喜逢吟處筆

白波催卷醉時杯歡襟已快邀風度舞地猶寬放雪回
不是年芳相假借使君兼乏斐狀才

寄題相臺太尉韓公畫錦堂

瑞節前驅畫錦身堂成署牘示州民遷鶯賀燕翩翩集
嘉樹甘棠次第春漳岸夕波通沼溜魏臺暎日弄梁塵
君看千古青編上得意如公有幾人

三月晦日

靜彈塵幘照溪流萍泊春芳向盡頭蚤葉乍濃畱客坐
晚花猶在索人愁最憐幽草能縈帶已覺浮雲解映樓
白髮未多須劇飲羸輪寧屬阿戎籌

罷學士出守還拜承旨

十八年前玷玉堂當時綠鬢已蒼蒼傷禽縱奮愁瘡重
廐馬雖還笑齒長熏罷山爐飄暗燼漱餘銅碗冰寒漿
須慚清切鑿坡地不是吾人得擅場

將到都先獻樞密太尉相公

再試州旗驗不才卻將憔悴到中臺相車問罷同牛喘

大廈成時與燕來

守壽春日方聞爰立之拜

今日謀猷須丙魏他年

賓客但鄒枚西園聞道餘春在尚及花前灑灑杯

元夜觀正陽錫宴

雲端曉闕下呼鞭綵樹遙分坐迹前山戲百層平樂地
佛輪千影瑞隨天祥風入助銀花麗寶月來供雉扇圓
獻歲承平多樂事擊鞭誰美唱唐年

和樞密晏太尉元日雪

寒雲萬里送殘宵回旋祥雲集歲朝繁影未能藏夜燎
薄花仍欲伴春椒光含象闕蒼龍舞氣勒交衢白馬驕
豐兆歡歌誰不爾百官兼放午門朝

和致政燕侍郎舟中寄晏尚書

異時仙閣對三休頓首辭榮動遂旒疏廣故僚供祖帳
鷗夷盡室付歸舟側階生玉懷歡宴燕壁圖山代遠遊
新句漸高塵累少紫芝巖曲要相求

移病還臺凡閱半歲乃愈始到家園視園夫治畦

植花因成自歎

臥治無功賜告回驟叨鳴履上中臺

病中改八座

壺公天壤

非真死蒙叟軒裳是儻來經灌旱蔬扶隴出失刊園蕊
犯簷開此身疎拙真邱壑不是當年王佐才

二月十八日席上方憶季長未還不同斯樂欲作
詩寄之會使者來已有新章今牽連成篇拜呈上
煙壓西郊雨壓津滿城歌吹爲芳辰江形左右衣雷帶
柳色高低麴與塵暖逼園花迎望密曉催林鳥每啼新
知君貪擁光華節未肯尊前共惜春

程密學知益州

墀塗畫對別堯奠細札芝泥襲綬馨三蜀舊臺呼輻寵
十連新府夢刀靈雲梯霽日明鉤棧雨閣蒼苔蝕劔銘
只恐廉襦歌未厭熒煌歸應六符星

集西園

日日西園春思催攜觴結客上高臺正緣從事青州至
更許書生洛下來時州醞既美又命座客賦詩蚤葉已成花半落新
巢未定燕千回芳辰物物皆堪愛併作高陽倒載媒

官下

東泊驂驛一駐車驪雲茱木澹扶疎鄭有風經禦寇仙
遊外野識裨謔草創餘穎谷寒煙仍井邑侯門殘日但

邱墟古治國非今治所兩都大道過從盛不稱支離佩左魚

閏九月九日登高有感

隔霜雲葉繞天愁閏節重來續舊遊賦客豈辭聊暇日
楚人無奈賸悲秋寒萸實老猶熏佩晚菊香殘不占甌

景文詩集
卷之六
六
悵憶故園歸信斷渚鴻川鯉兩悠悠

兄長苦公赴鎮道出西苑作詩有長楊獵近寒熊
吼太液歌餘瑞鵠飛造語驚邁予輒擬作一篇

寶樓斜倚闕西天北轉樓陰壓素漣白雪久殘梁複道
黃頭空守漢樓船塵輕未損朝來霧樹暖才容臘外煙
弭節不妨饒悵戀待歌魚藻記他年

送越州陸學士

梅天霞破候旗乾鄉樹依朕越絕閒挾策當年逢掖去
懷章此日繡衣還亭餘內史浮觴水路入仙人取箭山
牛酒盛誇先墅宴不妨春詔得親班

寒食野外書所見

一雨初回逗曉涼近郊連巒儼相望乞漿易醉墦閒客
執爨初閑竈下郎暖吹未休綠迴野低煙不散爲垂楊
家家鐘鼓爭行樂冝信龍蛇是怨章

予旣到郡有詔仍修唐書寄局中諸僚

一章通奏領州麾詔許殘書得自隨吾黨成章真小子
官中了事是癡兒昏眸視久花爭亂倦首搔餘雪半垂
所願韋吳皆傑筆劉生當見汗青期

山中清明

一雨東郊卷夕雲山中坐對寂寥春高低桃綬紅相倚
輕重榆錢綠不勻杯冷羅門拋午案簔殘熏屋晦流塵
漢編漸美開魚禁已約溪公下釣緡

送趙御史仲禮之任南臺

天子龍沙拜法官議郎親戴辟邪冠曉辭漠北冰霜重
秋到江南草樹寒諫疏頻煩明主聽題詩長共故人看
應憐閩里誅求急尚布朝廷禮意寬幕下風清鳴一鷄
臺端雪霽見雙鸞寥寥渡海三冬翩翩凌空五色翰
晉代新亭蒼蘚合梁朝舊寺土花殘石城慷慨悲哀粲
別墅風流憶謝安千里憑高麾繡斧幾回攬轡並銀鞍
諍臣事業須公等努力明時匪素餐

漱玉齋前雜卉皆龍圖王至之所植各賦一章凡
得八物或賞或否亦應乎至之意歟遂寫寄至
之

萱草

修莖無附葉繁萼攢莖首每欲問詩人定得忘憂否

澹紅石榴

移植自西南色淺無媚質不競灼灼花而效離離實

芍藥

有名見鄭風今賞異時日采花當采根可能治民疾

蜀葵

紅白相嗣繁色鈍香亦淺相對庭戶閒俗尚焉能免

竹

脩脩稍出類辭卑不冑叢有節天容直無心道與空

菊

纖莖寒始密秀葉晚逾滋芳意君須識羣葩搖落時

芭蕉

不枝惟葉茂無榦信中空所以免摧折為依君子風

拒霜

浩露侵細蕊尖風獵絳英繁霜不可拒切勿愛空名

十二月十八日會飲園夫獻桃花二首

今歲臘未破明年春尚賒天教推朔氣先作塞南花
晚秀尚可惜蚤開真謂奇君看蚤開處定是向南枝

海棠

薄暝霞烘爛平明露溼鮮長衾繡作地密帳錦為天

芭蕉

雨凋單蓋側風偃半旗開脆經繒乍裂斜規扇欲裁

藤蘿

虺蔓相結盤虬梢互回曲紛若未契繩繁如已綸縟

柳

濯濯縈春晚依依帶暝饒楚宮皆餓死無計學纖腰

木芙蓉

江南江北樹秋至僅成叢向晚誰爭艷酡顏淺作紅

除夕

曆尾無餘日更籌促曙躔持愁媵殘歲將老入新年

春帖子詞

皇帝閣

東郊迎氣罷暖信入嚴宸
暫遺星杓轉令知天下春
葭管灰飛盡金胥刻漏長
歡情與和氣併入萬年觴
皇后閣

嘉祐隨年至皇恩共氣和水痕
冰處動煙思柳前多
曉佩搖蒼玉晨旂亞翠旂
新年好春色今日滿皇州
暖碧浮天面遲紅上日華
寶幡雙帖燕綵樹對纏花

夫人閣

瑞曆歲惟新物華春可愛
雪盡林弄姿冰消水生態
雪罷雲初暖天和日便遲
玉樓新燕子襟下記來時

除夕

一杯芳酒夜分天萬慮勞勞
耿耿不眠明日新春到何處

菱花影裏二毛邊

過摩訶池

十頃隋家舊鑿池池平樹盡
但回隄清塵滿道君知否
半是當年濁水泥

蝶

撲粉曾過宋玉牆
一身生計託流芳
不須長結東風願
秋菊春蘭各有香

八月望夜不見月有感二首

素波涼暈澹層城
怡悵三年此夜清

在淮南三年逢中秋俱不見月

獨卷疎帷成默坐
暗蟲相應作秋聲

九旻含爽助清輝
萬里重陰誤賞期
正恨浮雲無意緒

世間偏惱最明時

山橙花

故鄉寒食荼蘼發百合香濃邸舍淡漂泊江南春過盡
山橙彷彿慰人心

九日憑高有感

把酒憑高念歲華此身流滯屬天涯故園叢菊無人賞
露壓風欺只自花

蘆

嫋娜修莖青玉攢鳧翁睡罷翠痕乾湘君直寄江湖樂
要作風汀雨瀨看

途次清明

漠漠輕花著蚤桐客甌飴粥對禺中遙知闕下頒新火
百炬青煙出漢宮

重陽不見菊

戲馬佳辰菊未黃有人惆悵獨持觴心知不作怱怱意
故欲凌寒報蚤霜

立春

春動靈旗畫尾斜漢宮青幘望晨霞宮中綵樹紛無算
不待東風已作花

人日

綵勝香羹樂上春我懷前事悵佳辰瞿曇尚笑浮生假
況鏤黃金假作人

被名後作

粉署重來憶舊遊
蟠桃開盡海山秋
寧知不是神仙骨
上到鰲峯更上頭

甲申首歲

故歲時光漏中去
新正甲子卷頭開
迎新送故祇如此
且盡燈前藍尾杯

朝鷄

雕籠摧羽就羈縻
心識時朝候不迷
羣鶴在軒皆有祿
夫君何事獨先啼

寒食夜偶題

前庭露氣壓輕埃
風砌花陰聚復開
苦恨浮雲心不淨

月中時汗太清來

春帖子詞

皇帝閣

日華初麗上林天
殿裏春花百種鮮
驅出餘寒還故臘
收回和氣作新年

望春臺下春先到
獵獵青旗倚漢宮
水自北涯生暖溜
花從東面受和風

宐春苑裏報春回
寶勝繪花百種催
瑞羽關關遷木蚤
神魚潑潑上冰來

皇后閣

宮裏春花纔灼灼
殿前春仗已峩峩
東風盡解天池凍

不及君王慶澤多

迎春寶勝插釵梁拂鈿裁金鬪巧妝上作君王萬年字
要知長奉白雲觴

夫人閣

銀闕崔嵬對未央春來始覺好年光風生禁苑無窮麗
日向仙壺一倍長

日照觚稜萬戶春細風輕露浹嘉辰一番宮柳黃煙重
百種盤蔬紫甲新

玉管輕羅和氣動土牛青幘報祠歸仙盤取露朝和藥
舞殿裁雲暝作衣

伐檀集

嘉善 曹庭棟 六圃 選

黃庶字亞父號青社分寧人少嗜學有大志慶曆二
年時年二十五以詩賦登進士歷佐一府三州皆爲
從事踰十年郡之政巨細無不與大抵止於簿書訟
獄而已生平抱負奇偉卒未一展皇祐五年自編所
作詩文二卷題曰伐檀蓋取素餐之義以自識愧云
子三大臨庭堅叔達

偶書

此心爲地把書耕若問生涯指六經欲語世人真富貴
胸中珠玉又無形

遣懷

六載紅蓮客差池又一年無人和白雪有意補青天肝
膽論興廢詩書謁聖賢尊中古日月窮達付陶甄

山居獨酌

山寒未放春消息獨把單醪慰寂寥書對聖賢為客主
竹兼風雨似咸韶醉鄉城郭燈前到愁賊戎矛盞底銷
野菜溪魚隨分有不堪回首叫簞瓢

贈山寺僧

慵飽浮圖世共憎蓬蒿師獨養牛耕田驅白石年常過
林印青薪歲旋生竹似子孫憐筍茁樹添松柏補風聲
看頭怪得春來喜雨起蔬苗粒粒成

寄子蒙授常寧令

疎率君堪愛無心宦又高身思眠白屋人勉著青袍

去冬

調官京師於銓吏不得意
欲致其官而歸子止之

號隱疑名福

前為寧鄉尉

貪

歸似姓陶常寧邑雖小應合得牛刀

山水臥屏

林泉生長厭應難更寫方屏幾曲閒仕宦東西苦無定
此心長似宿家山

和劉卿材十詠

耕者

四海兵今息耕夫未得知黃梁不敢喫盃尚半蒿藜

牧豎

逐處隨青草生來不識愁旱田乾欲死拍手也須謳

紅樹

幾樹濃於茜斜陽景最幽忽因風雨盡全減十分秋

野廟

中國浮圖盛祈禳漸不過吾民非獨困山鬼恨尤多

堠子

一堠居市廛百堠居林莽土木若有情山中亦惆悵

水鳴

憶在山中日溪邊把釣鉤相逢恐驚起招手卻回舟

溪聲

至音不可收今人滯形器欲知古樂心山中此聲是

草市

衝市柴魚集應山鷄犬號問知人苦樂米價不多高

龍潭

寂寞真龍去零壇血不乾世情多冷煖對此鼻辛酸

溪橋

憶得別離日鄉橋柳腳斜讀君詩一轉全似到吾家

酒

千載醇醲意長隨麴蘖新解將今日月轉入古乾坤

協韻

悶至勝良藥愁來敵故人幾杯聊酩酊五斗趣還均

登鄭氏閣

林泉無價自由身韁鎖登臨趣未真望處好山俱得力

夜應明月不孤人任從心外煩於蟻長對尊中別有春
當日若知風物勝定移鷄犬過江濱

前山皆秀可愛子家亭閣不能見故云

揆春

雪裏猶能醉落梅好營杯具待春來東風便試新刀尺
萬葉千花一手裁

題東寺柱

竹風松月牢於鎖關閉人心物外情燕雀聞經俱已慣
歸來不怕讀書聲

教繩權學書偶成

文字有緣曾弄墨

楚俗子生周一年其日陳食欲硯墨金帛之具從兒戲弄聚家人觀以為

樂繩時先弄墨

見來官小免咨嗟喜將筆硯傳生計不失詩書

作世家字識姓名能指點寫因梨栗不傾斜著鞭莫落
時人後三十塵埃監汝爺

和公美季點書事

知君行縣樂經見飽朝昏禾黍當年戶牛羊落日邨趁
雲看華沒衝雨渡涇渾頗得詩家助聊應慰旅覓

送石都官赴闕

為郎四十者堂有二親稀止仰官為養行應淚在衣白
雲偏佇立黃犬好頻歸去有山公啓天心正似飢

席上送韋中舍歸襄陽

如君七十少梨栗有堅牙琴杖新行李雲泉舊世家愛
求栽樹法拂拭釣魚車獨美今歸去青衫脫有涯

和陪丞相聽蜀僧琴

小園豈是春來晚四月花飛入酒杯都爲主人尤好事
風光畱住不教回

次韻和雪霽遊西湖

雪會遊人意元朝變物華醉鄉銀作界詩客玉爲家魚
影紋冰縠禽蹤篆霰沙餘英恐銷盡目斷夕陽霞

次韻居正暮春感事

物報春光去已深殘紅滿地綠成陰晚花便好吟詩惜
餘景應須載酒尋歡意莫教時節挫窮愁自倚歲寒禁
亭園況是登臨勝何必流年動素心

次韻元伯西軒桃李

李白桃紅氣味奢蚤須分付醉吟家春風春雨難期信
便是無言做落花

望春偶書

信馬尋春上古原天工一幅繡平川花應笑我將詩句
便當遊人費萬錢

次韻居正四月牡丹

時飲過客於丞相後園

四月殘紅日日稀平陽園檻正芳菲春知東館酣賓客
應是陽和未放歸

和元伯走馬看牡丹

城中走馬趁殘春詩別餘花句句新何似園家不吟醉
姚黃魏紫屬遊人

次韻子儀初夏偶作

醉紅方寂寞吟綠又裝成急雨荷空聽清風簾可迎燕
忙諳物態花盡見時情獨有無言意不知枯與榮

陪丞相遊石子澗

賓吏親攜澗底行潺湲風遞似相迎只應山鬼知公意
乞雨新添瀑布聲時久晴新得雨

次韻和真長四季牧童許昌

怯雨空晴不識愁去隨青草牧春牛無人古路歌兼笑
歸去山花插滿頭

曉牧侵星大暑天晝尋芳樹綠陰眠惜牛不使衝殘日
歸帶黃昏飲小川

角穿黃穗手橫笳秋到人間有鬢華落日西風歸去路
枯桑黃葉兩三家

枯笛手持無律呂清風曲調逐時新數竿冬日渾無價
暖靠牛眠不教人

次韻元伯曉出白門

山形雲深萃屏曲溪色練鋪銀漢東樓臺一軸古今本
行者往來圖畫中

栽竹

小檻栽培得此君綠陰疎韻似相親從來風月為三友
吟社新添客一人

登鄆州谿堂

古鄆州有谿堂與州偕廢其地去今治所十五里好事者跡其名為之韓

公詩石
存焉

仁智模來物狀親登臨宐入古圖身慣看韓老詩中景
樹色泉聲似故人

輦下會里人子蒙飲

秋風吹客衣歸思入夢寐相逢在千里一飲勝百醉果
脯隨分列不減到家味平生金石心顛倒獨莫弃何時
不搔首共話醫國計恨未得杞梓欲把斤斧試塵埃鞅
履穿各走車馬地唯茲栖栖懷酒椀可以慰

揆春

春色若有價黃金量山邱幾擬把酒吟浪欲開口酬今
朝庭柳枝拗折絲已柔東風弄五色漸落草木稠我營

賞春資甕盎蟻已浮山川天開畫祇擬醕酌遊

和白雲菴七首

白雲菴

白雲無種滿地生有時出山爲雨露老僧惆悵望雲歸
盡日庵前自來去

清風軒

老僧拂榻人不知獨與清風事來去朝昏宴坐向軒中
此身便是清風主

宴坐臺

老僧坐見萬物空往往終日居此臺破衣兀坐若枯木
山鳥不怕行莓苔

醒石

老僧拂拭待遊者雲骨一片莓苔青塵埃萬事心若醉
到此不覺令人醒

磬石

古樂破散鄭衛起走入萬物不可名山中惆悵莫能到
疑是舜時韶一聲

明月臺

老僧山中嫌月窄夜夜獨上高高臺四邊不肖著閑樹
故要滿坐清光來

白石澗

林閒旋壘石爲路日日自汲澗底泉老僧意趣似童子

洗手濯足聽潺湲

登扶風王宗元山亭

雲收南山頭太白青崔嵬我有泉石夢坐對懷抱開小
池數斛水涉鳥來毯毳遺翎與行跡縱橫在蒼苔憶得
釣磯上到家如一迴蔬畦參差綠采掇助酒杯痛飲不
能去遠行猶徘徊主人林巖癖笑傲蒼煙堆心憂百里
病良田正黃埃欲知主人喜雨抱山腳來

圖經云太白之半有橫雲如瀑布則澍雨常以爲候故語曰南山瀑布非朝卽暮時久旱始得雨以爲喜故云

遊石龕寺

飛泉自有迎客意聲到山前入人耳泉聲引行不知疲
石路磽确折屐齒長安曉滿車馬塵林巖夜夜來夢寐

雲煙郊原鋪古圖心眼開快明如洗渭流屈曲成大篆
書破野色爲綠紙邱墟沈吟古興廢秋風正入紅樹起
折碑斷垣臥荆棘意思紛亂不可理窮幽更下蒼崖根
把酒坐聽潺湲醉山花似欲勸苦飲時散清香入人鼻
奔走恨不身長遊喜寫姓名藏薜荔

送黃景微西遊

聯

先生古肝脾久恨不得識唯聞公卿家要作門下客千
載下和淚爭磨薦書墨姓名落四海履雜車馬跡塵埃
十年衣幾度改顏色紛紛九衢中拭眼見珪璧敝褐埋
衆人胸肺無丈尺從來飢渴心旣見轉不釋斗酒聽語
論今古吐白黑秋入汴柳枝買馬欲西適虜方豺狼驕
似漢子弟國子知弱諸侯必得主父策

登見山樓

太守終南爲客主出入厭倦馬與車與山朝夕欲還往
作樓近在室一隅主人去久山寂寞正值青帝催焦枯
我拘簿書甚杻械擺脫步上提酒壺郊原猶未見春色
似據水墨長安圖也知好景天更惜高峯常是雲模糊
安得風伯持大箕掃灑百里如屏鋪顯昧萬狀古詩國
收拾可禿千毫書我來願作風雅戶醉倒坐待明月扶
去家若有巖下夢免復夜夜尋歸途

和題竹軒

小軒移得清風枝知君公退來忘機山禽自識主人慣

客到有時驚不飛

宿趙屯

盧花一股水弭楫日已暮山閒聞鷄犬無人見煙樹行
逐羊豕跡始識石市路菱芡與魚蟹居人足來去漁家
無鄉縣滿船載椎乳鞭笞公私急醉眠聽秋雨

宿采石

李謫仙
舊墓

秋風宿蒹葭花落若霜雪江山古興廢荆棘壘出沒水
收鳧鴈聲夜靜寒籟發漁舟自來去笑語載明月詩形
動筆墨恨乏風雅骨謫仙爲黃土冢平名突兀句編天
下口千載字不滅人間比興復泉底竟魄悅坐誦姑熟
語酌酒當棗栗醉夢若可見好句當須乞

謫仙有姑
熟十詠

大孤山

彭蠡百里南國襟萬頃蒼煙插孤岑不知天星何時落
春秋不書不可尋石怪木老鬼所附茲乃與水司浮沈
鳴鴟大藤樹下廟祭血不乾年世滾軸艫千里不敢越
割牲醴酒來獻斟我行不忍隨人後許國肝膽神所歆
落帆夜宿白鳥岸睥睨百遶寒藤陰銀山大浪獨夫險
比干一片崔嵬心宦遊遠去父母國心病若有山水淫
江南畫工今誰在拂拭東絹傾千金

汴河

汴都峩峩在平地宋恃其德爲金湯先帝始初有滾意
不使子孫生怠荒萬艘北來食京師汴水遂作東南吭

甲兵百萬以爲命千里天下之腑腸人心愛惜此流水
不啻布帛與稻粱漢唐關中數百年木牛可以腐太倉
舟楫利今百於古奈何益見府庫瘡天心正欲醫造化
人閒豈無針石良窟穴但去錢穀蠹此水何必求桑羊

遊石池潭

吾家溪潭動百尺坐見遊魚可倒指月明無風水不動
鉤絲鑑中出朱鯉乘閑具酒席草岸呼網一舉常百尾
鱸霜炙玉眠鴟夷樹挂落日醉不起幾年手板負青山
趁魚舫聲不入耳涼秋九月役吏事瘦馬奔走黃葉裏
有酒不得好景飲訪古或問芻牧子指我石池十里近
蒼苔畏崖碧無底楚王北遊歎寂寞創奇造幽有遺址

舞陽民傳楚襄王遊
此臨河以石爲池

我來徘徊知是否廢興盡可付流

水髣髴故溪在吾日濯手漱齒有餘思開尊喜與風景
遇蘆花入杯勸人醉漁翁有意助酒卮青竹盡日垂空
餌我疑溪靈斲異景不遣紅鱗滿人意人生天地未歸
客計較貴賤羞犬彘當須醉倒載月歸不信鄉夢畱不
止

家僮來持雙井芽數數飲之輒成詩以示同舍

我疑醇釀千古味寂寞散在山茶枝雙井名入天下耳
建溪春色無光輝吾鄉茶友若敵國糞土尺璧珍刀圭
嗟予奔走車馬跡塵埃荆棘生喉頤煮雲爲腴不可見
青泉綠樹應相嗤長鬚前日千里至百芽包裹林巖姿

開緘春風若滿手喜氣收拾人恐知江南陽和夜欲試
小齋獨與清風期石鼎泉甘火齊得混沌不死元氣肥
詩書坐對爲客主一啜已見沆瀣醅通宵安穩睡物外
家夢欲遣不甯歸不信試來與君飲洗出正性還肝脾

洛陽道中

秋風滿巾衣洛水行飲馬山川氣象老身若古畫嵩
雲知客心峯色如埽灑荒草徧邱墟沈吟動舒瀉

竹軒

小軒與竹事還往庭下寂寂無客塵開書讀對聖賢語
一畝清風爲主人

賦聞角

角本金鼓儔獨主昏曉色日收雲氣黃月斜霜露白征
夫朝夕聞淚落甲鎧黑時平腐纓韃白首眼不識嚴城
重啓閉不廢角人職老農鼓腹聽安識天子德

賦小桐

小桐纔幾尺氣壓百歲樗雨露意未飽風月韻已孤鳳
凰冑寂寞燕雀空踟躕天地有和氣想爲桐之腴我願
剗作琴獻上九重居坐使薰風還雖死骨不枯

賦八月竹

我養一軒竹秋來成綠陰萬物有衰意獨懷霜雪心西
風嵇叔醉明月白公吟迴首看桃李何嘗費百金

遊雲門山

南山州之屏四時改顏色日夕太守宴供帳減繒帛更
求秉燭飲圖寫在四壁煙雲時藏埋景好疑愛惜我官
府中塵喜與山相識泉石未還往愧負苦逋責秋風復
杖屨持酒窮勝僻莓苔轉蒼崖郡國在几席廢興賦飛
鳥牛羊自朝夕風物摹大句才薄徒噤嘿唯作醅酌歸
山月吐半壁沈吟又慰喜三友添飲客予於署居之南
作亭朝夕以與
風月往還名之曰三友其
南軒與山相值故云耳
安得白首巢其巔

攜家遊矮松

和柳子玉官舍十首

心適堂

一屏一榻無俗塵左置枯琴右開易重門不閉誰往還
明月清風是相識

思山齋

吳兒心著吳山淡終南滿目不自慰有時蟬蛻書几邊
夢到五湖千里外君吳人

小池

清泉數斛關幽事坐見鏡中魚往來浮萍蝕盡秋月面
霜爲一磨如匣開

新泉

牆根新冽寒泉眼風廊一股來泠泠燈花夜半知我喜

恰是舊山穿石聲

竹塢

筍隨人意疎處生清風如歸自來去雖狀不與俗子期

陰過鄰家亦銷暑

土榻

一云榻前鼓吹蛙一部榻上古木吟風雨客來相倚曲肱眠免令不解山公語

牀前一尺二尺泉牀後三枝五枝樹眠閑圖似在家山

夢竟不使東南去

怪石

山阿有人著薜荔庭下縛虎眠莓苔手摩心語知許事

曾見漢唐池館來

一云山鬼水怪著薜荔天祿薜邪眠莓苔鉤簾坐對心語口曾見漢唐池

館來

茴香

鄰家爭插紅紫歸詩人獨行嗅芳草叢邊幽蠹更不凡

蝴蝶紛紛逐花老

茴香多蠹

蜜蜂

秋成想見香租入菊露楓膠蜜幾脾日日山僮掃紅葉

蜂衙知是主人歸

君權酒卯入申出

芭蕉

有底春風能好事解將刀尺翦青天知君新得草書法

旋卷碧雲供小牋

君善草書

答王甫判官示遊興慶池之作

東池十里近遭匝風物飽南山若戶屏登臨四時好我

初來長安脚擬朝夕到纏綿簿書閒拘窘若囚盜一歲
無幾至荏苒成吏考夜夜千頃月只供釣魚老平生林
泉心揆奇欲傾倒咫尺迺尚爾滿意寧可保君官苦近
市危坐若林檎偷閑呶呶中躍馬志歎暴登覽足意思
滿腹若瓌寶歸來成新詩使我愧懷抱

依韻和酬雷太簡見貽之什

生長詩與書不信世道難出處愧古人章句得一官舌
強不肖柔開口誰欣歡十年走塵土蹭蹬苦地寒紆朱
非良貴寧較厚與單古心自突兀胸中鬱萬端昔常玩
於水今乃知其瀾身世心已灰人事鼻可酸病臥得君
詩喜拭昏膜看意遠辭澹泊稠重欲相寬以言藥我病

吳鱸佐秦餐大句牽勉酬韻高語難安

和象之雨後望少室山白雲

塵埃奔趨插手版十年已賣山中閑相逢少室若交舊
白雲與我開容顏風驅煙氣去敞幕天覆碧玉無瑕瘢
我疑岳神宴天上埽灑伊洛爲圖看又疑山鬼有寒稅
纒絮萬疊輸陰官色如可餐無厭飽頗黎爲甌炊琅玕
去去還觀不能已一里迴首百據鞍長安許生以畫名
閑暇拂拭新素紈能求山高水淡趣常恐造化在筆端
每觀雲泉得意處擬寫男女家其閒今對異景慙首鼠
愚若犬彘編槽闌君詩託我有深意明月一杯心往還

席上賦別南宮希元

十年眯車塵思歸入夢寐晨興見家山兩目如去翳故人又過我相對有餘意當尊話舊遊強笑復吁歎君名在鄉書捧檄不冝愧高堂去白髮有淚落鞭轡里人獻吉夢四壁衆所義希元應鄉書里人屢獻夢長老以爲吉祥我喜先子言在耳若龜筮先子嘗云希元孝而好學必不窮人生老聚散酒薄滿莫避相見意最長強飲不能醉

皇祐五年三月乙巳齊大風海水暴上壽光千乘兩縣民數百家被其災而死者幾半丞相平陽公以同年李君子儀往賑之以詩見寄因而和酬鹽民沒利家海隅奔走末業田園蕪天意似遣陽侯驅卷水沃殺煎海爐怒濤百尺不及逋老幼十五其爲魚

耕夫蠶婦來躊躇百金不易箔與鉏

齊人言蠶者舉箔爲數

我公

偃息哀其愚埋掩尸骼調惇孤吾黨子儀馳赤駒口齎公惠人人噓日走百里嫌跌哺不飲不食顏色癯去時萬樹如束枯回首綠暗紅紫疎寄詩百言舉其麤我愧安飽心如苴

元伯示清水泊之什因和酬

十年不踏故溪上有時夢去千里遊每思魚行鑑中見青衫手版如仇讎秋風鱸肥美無價莫怪張翰不可畱前日誦君清水吟胸中突起百尺愁兒牽女嬰走塵土百年一半如棄投清風明月無界畔白首願作山中侯君詩寫出漁者意老景一片在目眸清泉釣舟未入手

聊可觀誦忘吾憂

送劉孟卿遊天台鴈蕩二山

治源先生高七十山水病僻不可瘳竈無炊煙不顧計
窮幽極怪如仇讎有時清風明月對好景霹靂拔卻大
樹不迴頭四方泉石朝入耳杖屨百里夕已投大笑箕
山不敢出走避軒冕豈自由天台鴈蕩潑上心暑焦毛
髮不肖畱縈紆長淮下平席倒指計日觀怒濤君詩功
刻造化骨吳越氣象當先愁古今吟力未到處好句願
備幽人收此行詩是圖畫二山筆歸日借我目一遊

次韻和元伯南樓避暑遇雨之作

城頭歸鳥喘塌翼夕陽闌干手可炙長虹如篆報雨來

雲腳插下千里赤南山端正太古屏飛廉埽雲爲潑墨
安得老筆描寫住白頭許生死堪憶長安許生踰八十
以水墨名於時今

已死

和韻和子儀聞蟬

落日桂樹閒長我庭下陰園林動秋意高蟬忽微吟清
風轉餘聲杳若下遠岑微物感時節鏗錡吐商金古樂
久破碎茲蟲抱全音荒忽尚偃蹇激起壯士心願爲秋
蟬操被之朱絲琴

求郭侍禁水墨樹石

塵埃典卻林泉閑家夢夜夜歸雲端知君弄筆欺造化
乞我幾株松石看

入楚絕竄蟲賦全音茲必尚野塞遊珠士必願為煉
 風轉翰聲香香干靈岑嶺嶺想執道登臨也商金古樂
 萃日卦憐聞身疾疾干劍園林陣陣意高軼必遊今部
 刻造味賸味干劍聞軼

安得步筆蘇寫甘白應荷坐派挾獻
 雲嵐淋下千里赤南山嶽五太古異乘乘其意為總墨

公是集

嘉善 曹庭棟 六圃 選

劉敞字原父臨江人慶曆六年舉進士廷試第一通
 判蔡州累遷知制誥以疾求退仁宗謂執政曰如敞
 者豈易得邪賜新橙五十旋改集賢院學士畱御史
 臺熙寧元年卒年五十私謚曰公是先生敞為人明
 白俊偉自六經百氏下至傳記無所不通歐陽公每
 於書有疑折柬來問輒對使揮筆答之弟攸子奉世
 俱以博學稱

荒田行

大農棄田避征役小農挈家就兵籍良田漌漌少耕者

秋來雨止生荆棘縣官募兵有著令募兵如率官有慶
從今無復官勸農還逐魚鹽作亾命

小孤山

驚波觸南崖反怒射北壁蒼山與相排所謂小孤石蟠
根萬仞淵聳角百丈碧祠堂豁精嚴行旅進粉澤或云
婦女神胷蠻頗有迹吾知定名意似欲旌介特流俗失
其真傳聞莫開釋居人私其利禍福妄損益競爲媚女
說以誣聰明德先王拱山川祀典有廟食奈何媚於竈
屈已忘正直吾欲爲小孤作書解行客復恐不見從嗟
哉世多惑

雜詩二首

鑿井取泉飲上山采薇食豈不信憔悴所願皆我力泉
也非難致薇也不易得志士恥徒飽衆人苟所獲犧牲
畏芻豢樊籠害羽翼悟理宜在蚤無爲晚更惑
道薄德亦散功名爲時須用力世所賢守正衆云愚智
者競蒿目小人復邇圖悠悠三季後此風益已渝安知
治未病舐痔而多車堯舜無能名越哉已矣夫

示張直溫

築山必使高鑿井必使深百正戒淺近盛德羞浮沈焉
有尺寸枝能棲垂天禽焉有升斗泉能容橫江鱣借茲
論物理足以開君心嗑在容不足弱在力不任大道如
路狀固無古與今

漁翁

白頭老翁披敗蓑求魚終日罩淮波波淡水闊望不絕
網日雖繁能幾何大魚鱸鱠入淵底小魚鯤鯢登網裏
手皸足趼吁可憐何不爲網大如天

曉至池上

宿雨墜高葉薄雲麗朝陽園林澹澹秋庭戶蕭蕭涼水
淺魚怫鬱荷深鷺低昂幽懷欣自得佳賞契所望忽恐
羣動作淡林沸蜩螗

金山解院

門前松響亂頭上壁上江圖流眼前松聲水響兩不辨
似有疑非心悠狀安得乘興浮輕船

晚涼

落日蔽崑崙微風起閭闔蟲語聲悽惻樹影翻離合蚤
露結明的圓蟾瑩塵匣浩歌始自放喟此區中狹

過聖俞讀其近文明日寄之

昨日過君家雙瞳偶清刮非無俗塵累喜見秋陰豁住
瑟請新聲瑤音邈超越神驚自束躅不爲天寒發

細雨

小雨滿前軒濃陰不時卷隨風氣潛潤竟日花微泣池
光慘澹昏樓色依微辨寒添夕景長坐逼秋容晚楚客
歌沈寥吟懷孰云淺

濉陽歌

梁人猶唱濉陽歌
隋人水調能相和
梁人池臺已平地
隋人岸樹空嗟峨
梁人隋人去如水
水聲日夜流不已
張巡廟前春草生
里人尚識將軍名
國讎已滅心不死
憤氣半夜凌蒼冥
丈夫節義豈在小
願爲長劔刻長鯨

昨日風贈王舒

昨日風今日雨
門前泥坑昨夜土
秋懷慘悽誰最多
江南秀才洛下旅
十年麻衣走南北
飢寒不比倉中鼠
悠悠日底重雲舉
頭望天不得語

貢父在京口阻潮未渡

向晦月消魄
楚濤爲之衰
坳堂無滌涉
客子緩歸期
吟遶沙步闊
眺賞秋山奇
大川漲南島
落日明西垂
登高

既易賦懷古
惟難詩明彼
一帶阻積此
三歲思何當
命海若利涉
慰調飢

登禪智寺上方贈同遊諸公

重岡抱城起
清川帶野回
舊都遷陵谷
遺寺空池臺
修竹入晡靄
荒蹊轉崔嵬
鳴禽畏人起
故老驚客來
置酒感興廢
浩歌寄歡哀
伊昔遊此人
於今安在哉
谷溪春先覺
地爽景後頽
造適暇一笑
願盡此餘杯

楊白花

飛飛楊白花
隨風渡江水
江水來不極
楊花去無已
鴉啼淺溪樹
落雪千萬里
春氣傷人心
綿綿復如此

過海舟

秦王好神仙東上瑯琊臺娥眉綠髮五千輩去乘長風
款蓬萊對此秦人海翳立生別死分不敢泣但見高帆
雲中沒野鳥悲鳴爲翔集過海舟何時還火焚荆棘空

驪山

睡起

日午吏稍休池上逍遙眠水木澹相映庭戶清無喧時
有山中禽來鳴高樹巔微風拂衽過會意成翛然有生
滯形役萬物安靜便媿無淮陽績高臥亦終年

采藍寄王淡甫

采采澤中藍制爲金翠衣春風爲君舞宛轉有光輝良
辰古易失麗色世云希嗟嗟不盈旬日暮空來歸

李覲以太學助教曾鞏以進士及第歸俱會郡下
素聞兩人之賢畱飲涵虛閣

孤鸞方北遊威鳳復南翔邂逅中道遇孔音何鏘鏘太
平向百年此固多美祥擾擾都人士爭先覲輝光雖無
醴泉流江水清且長雖無朝陽桐翠樹茂且芳念將萬
里逝願得少傍徨爲君附卷阿因以謝楚狂

秋興三首

微風起閭闔秋意日以滋陰蟲羣悲鳴草木同變衰天
道雖茫昧平分爲四時功成自當去搖落何獨悲
魏牟貴公子沈沒功名閒一浮江湖水慘戚顏朱顏魯
連揖萬乘踏海如忘還棄世脫敝屣風流安可攀

耿耿秋月輝中夜西南流牛女永相望婉孌悲素秋安
知乘槎翁徑出海外遊天路或幽險神仙非所求

奉同永叔於劉公曹家聽楊直講女奴彈啄木見

寄之作

空林多風霜霰零啄木朝飢悲長鳴口雖能呼心不平
誰彈琵琶象其聲雌雄切直相丁寧欲飛未飛皆有情
琵琶八十有四調此曲獨得傳么妙翠鬟小女自絕殊
能承主歡供客娛轉關揮撥意澹如坐人雖多苟若無
醉翁引觴不汝餘詩老彈鋏歸來乎兩君韻高尚如此
何況櫪上之馬淵中魚我生不曉世俗樂傾臥江城更
寂寞中園有時聞啄木雖有高下無宮角木聲犁狀當

人心焱氏之風殆可學淵明無弦非無意白髮秋來自
少樂得公新詩濯我愁因問楊子更借不我欲醉聽江
城樓

與景仁聖俞飲景彝西園

鬢髮今欲白山林未能往每逢負郭趣默有歸田想置
酒松栢下當春更蕭爽欣欣二三子相與畱一賞蚤花
何娟娟秀色傾宿莽馴禽聲喧呼永不忘羅網物情樂
於適未必在溪廣育育井中魚胡然困偃佚佳哉主人
翁示我以天壤放懷寓一醉益愧鳴佩響

同介甫和聖俞贈狄梁公裔孫

陳平智有餘周勃勇無敵兩人相提衡終復漢社稷梁

公柱石姿獨立謝羣力匡君多直言薦士有深畫既扶
將頽運亦起未朕策事業兼二子皓朕霜雪白偏財戒
獨往特達見全德誰謂十世遠風義猶不隔末孫何支
離畎畝有餓色明詔問樂鄉布衣列士籍名垂天壤閒
氣使懦夫激聞君商聲歌更若出金石

贈聖從待制

君居御街西我居御街東如何百步閒十日不相從君
非園中植落落千丈松我亦湖海人庶幾孤飛鴻俱遊
人世閒俯仰豈不同蕭蕭髮向白哀哀嗟轉蓬仕固不
期達貧亦不諱窮行當一麾去幸識櫻寧翁

蚤至涼榭觀芙蓉

林溪池亦淺日出光晚及粲粲花尚含溥溥露猶浥良
魚潛復躍幽鳥翔又集物情況如慕心賞浩難識誰能
贈遠人采采空佇立

同諸客飲涪州薛使君佚老亭

百尺井底泉激輪作飛流潺湲入亭戶宛轉如奔虬主
人三署郎持節西南州棄之臥故里富貴安足畱卻埽
長閉門羸餘非所求客來坐林下尊酒相獻酬未嘗思
朝市餘思良悠悠乃知獨往意不必山林幽衣冠多雋
才繼踵公與侯誰能懸其車五十未白頭嗟嗟賢大夫
此風可鎮浮爲問三輔閒何如馬少游

曲水臺竹閒默坐

杖履不能遠逍遙池上林微風起衆響炎日隔繁陰斐
亶激泉流閒關語鳴禽放懷在達人寄賞欣會心既謝
朝市喧亦忘山谷溪雖知非吾室猶以開煩襟

野望

重陽去寥落小雪碧蒼茫獸起駭枯草鳥歸橫夕陽薄
雲低引白衰菊暗消黃竚立胡爲久愴人非故鄉

蕪城閑望

幽尋古城上秋景日淒淒落照映原沒陰蟲當路啼隋
宮變蕪蔓楚分失端倪自是傷亾國非關醉眼迷

送張六大尉新安

新安好山水想復似桐廬吏隱應相稱官卑還自如洛

塵趨走裏周俗戰爭餘會自求知己頻飛一鶚書

小雨

春城頻過雨一望一增新欲晚雲成錦初晴草似茵和
聲散喧鳥芳意屬遊人向晚車馬息東風飛暗塵

玉津園

垂楊冉冉籠清籟細草茸茸覆路沙長閉園門人不入
禁渠流出雨殘花

短槐

在水陸院

蹢躅不稱三公位偃蹇空妨數畝庭只有老僧偏愛惜
倩人圖畫作書屏

揚州壽寧寺

周世宗嘗幸此

隋宮老荆棘淮地阻山川天子周王狩諸侯楚社遷宿
居江水上休甲古城邊清蹕曾過此高臺亦宛然
殿空生影響畫古剝丹元缺螿驚跳鮒遺碑失紀年廢
興真可感耆舊每多傳一咏蕪城作斜陽聞暮蟬

送人之洛

逢人問嵩少千里駕征軒倦馬夜未寢鳴蟬秋尚繁風
煙新邑洛冠蓋上東門合有西賓問歸時許共論

聽鐘

陋巷客回轍夕陽鐘送秋寒聲滿空谷暝色下高樓斗
逐悲風起微兼遠角收旅懷傷急景聽此愧淹留

于司錄東園

辟疆園圃壓城闔聞道池臺事事新自置一尊消永日
別畱磐石待幽人雨添菊色迷三徑風散花香入四鄰
亦欲肩輿乘興去主公何必舊相親

芙蓉池

綠華青蓋滿方塘雨灑風吹著處香淨埽釣磯雙樹下
醉敲涼枕弄秋光

觀城上梅花憶和

城頭梅樹花初發每到花前憶剡中白水碧山應有約
與君攜手過春風

雨後登坐嘯亭

風卷高花舞成雪雨溼芳草綠侵雲層軒獨立時惆悵

淮北春光過五分

黃薔薇

綠葉黃花相映淡
水邊臺畔結浮陰
何人解賞傾城態
一笑春風與萬金

清明後鴈

畱滯江南久
今來萬里歸
春風稍和煖
作意入雲飛

江行寄隱直

自念復遠適
與君仍解攜
天文鶉首尾
地勢陝東西
江漢饒風雨
關山盛鼓鼙
離憂各易老
秋意欲淒淒

始秋

秋色忽已改
旅程殊未央
水雲含變態
山雨送淒涼
杳

杳青楓暮
菲菲白芷香
多才悲屈宋
搖落近滄浪

山寺

野竹檀欒翠
孤峯杳靄青
山樓隨詰曲
石路上青冥
雲色移時合
鐘聲隔水聽
似聞堪避世
遊子未嘗經

琵琶亭

江頭明月琵琶亭
一曲悲歌萬古情
欲識當時斷腸處
只應江水是遺聲

觀南戍士卒作樂

簫鼓軍中樂
旌旗歲晚過
激昂雙劍舞
慷慨萬人歌
睥睨荆衡小
騰凌虎兕多
北風隨殺氣
橫絕洞庭波

小園春日

草色初新柳帶長宿煙朝露溼朝陽東山雲起西山碧
南舍花開北舍香

風雨寄張野人

天地初開泰雷雲未厭屯泥濊長閉戶謀拙苦憂貧狼
藉千株雪空亾一半春仍愁三徑裏草色斷幽人

聞聖俞移官霑上以便歸養

親老不擇祿此心如古人戴星捐吏事戲綵過鄉鄰若
下開新酌汀邊詠白蘋醉吟俱入手亦未負青春

晚涼

楚山何處雨天氣晚來涼返照原野靜清風松桂香高
樓半雲霧遠水入滄浪幽意驚飛動真憑酒散狂

城南泛舟

乘興隨所適出郊聊汎汎清波能照髮白鷺巧迎船老
樹悲秋雨高風急暮蟬孤城隱不見落日暝浮煙

秋晴西樓

清風卷陰翳廣野見秋毫木落山覺瘦雨晴天似高開
窗置尊酒看月湧江濤高臥淹湖海非關氣獨豪

遣思

淮上秋光疑客恨城頭暮色凝斜暉獨遊未必能勝醉
遠望由來可當歸

觀魚臺

落日含古意高臺多遠心魚龍潛凍水蟋蟀有哀音江

漢南浮遠關山北望深張衡四愁意歷歷起登臨

雪後登觀風樓

雪帶郊原闕城橫碧玉齊夕陽寒似落遠樹望如迷旅
鴈晴更急棲鳥飢亂啼彊歌非郢客竟日戀危梯

九日

采采黃花菊飄飄闐闐風醉從紗帽落興與古人同北
岳烽煙隔甘泉候騎通悲歌傷遠目不是爲青楓

梅花

澤國春還蚤山梅臘競花繽紛迷雪意浩蕩逼年華驛
使紅塵遠江風短日斜芳菲恐易失愁思亂悲笳

雪後

飛塵暫消息春意日冲融野水涓涓綠林梢靡靡紅躍
魚輕泮凍鳴鶴舞和風出處驚時節悠悠看歲窮

春陰

江上浮雲聚城中暮景兼東風酒味溢小雨客愁添寒
色端侵牖斜陽不滿簾滯畱成楚老卑溼意無嫌

初晴

雨餘春更好日出望還新喧鳥啼驚客林花笑向人年
華如過鴈世事劇飛塵置酒陶嘉月滔滔醉任真

庶幾堂雨夜偃几作

短夜催微月流雲溼太空蕭蕭篩竹雨颯颯舞松風形
影明燈裏歡娛隱几中吾衰儻未甚正復夢周公

離京後寄貢甫隱直

清川如帶屢迴環，信宿猶居百里閒。
敢恨淹留同杜渚，正憐風雨似梁山。
月殘虛魄無由共，雲映高樓不可攀。
卻怪夢中翻識路，化為蝴蝶一飛還。

鼓角樓宴席

周城百雉擁中軍，阿閣三階麗白雲。
燕雀應知依盛德，山河相與助雄文。
輕裘緩帶居多暇，旨酒嘉肴客易醺。
還識魏牟懷北闕，正逢長日扇南薰。

臨波亭

綠楊芳草舊無蹊，竹塢花源敵剡溪。
水影時翻高檻動，天形畧抱暮城低。
逢迎野興鷗雙下，點綴春愁鶯亂啼。

宿雨楚山雲正滿，高樓莫上使人迷。

春晚

芳草不少住，白日定空長。
庭樹暗新綠，春衣生晚涼。
悠悠向時節，細細倒壺觴。
誰使風前絮，來參醉後狂。

登東城樓

高樓望不極，野興遠相追。
宇宙一長嘯，山川多所思。
薄寒才勝酒，短景不禁棋。
俯仰哀羣動，遼遼見爾爲。

寄題歙州流杯池

公子愛客意，高山流水閒。
清波無斷續，翠葦自迴環。
野興四時得，棠陰終日閑。
何當竹林賞，醉耳聽潺潺。

澄心堂讀許渾以下諸詩

許渾詩後三百年長嘯空堂覽舊篇落日孤城曾不改
曲池高榭復依朕塵埃暫憩道路客文雅相追今昔賢
魚躍鳥歸殊有意卜居仍欲近湖邊

月夜

月出浮雲盡風生中夜清星辰競搖動河漢湛虛明老
樹稀疎影驚禽斷續聲秋懷先已亂蟋蟀更宵征

荷花

水國非人境芙蓉五月秋亂香清宿醉濃艷破征愁魚
戲都堪數鷗飛絕自由會須窮一賞詰曲任扁舟

七月二日

西風入庭樹天氣颯秋細雨纔成潤高雲澹不流平

分感一葉遠興憶扁舟蟋蟀何須急羈人始欲留

送王子直還斥溝

薄薄雲蔽日淒淒寒中人飛飛燕歸蟄漠漠鴈來賓送
子獨無友悲秋空病身登山復流水便覺二毛新

重到謝氏園亭寄裴博士俊叔王主簿宗傑

徘徊遠林下幽草爲誰芳前日同遊客今朝俱異鄉東
風離澹蕩陳迹似淒涼何用江千里春心故易傷

賀司馬君實何濟川得龐公炭

上府愛才天下聞兩君素出將軍門欲正大爐慰民望
豫排寒氣作春溫不煩束縵資遊說聊取優賢報國恩
自笑野人臥窮巷負暄方擬獻天闈

送洛南周侍丞

不知商洛道空慕紫芝歌從事老將至送君情獨多雙
鳧尚方去駟馬故鄉過想見揮絃樂春風初扇和

五月望日赴紫宸謁待旦假寐

半夜北風天反寒倒衣驚問紫宸班雲容不辨陰晴際
月色猶逃爽晦閒獨喜鳴雞應鐘漏正憐殘夢識江山
濯纓簪筆初無補空媿紛紛數往還

月夜期江梅兩君不至

日入更灑埽脩庭檻空酒杯落明月白羽來清風佳
興自不淺幽人無與同徘徊臥林下重露霑蘭叢

和直孺夜涼

急雨逐雲過微風吹月生寥寥天宇闊粲粲葛衣輕輾
轉漏將永昭回河正橫秋槎舊有信忽憶泛滄瀛

和永叔憶幽谷

蚤聞幽谷未曾窺翠碧清寒入夢思到眼惜無名手畫
醒心欣得醉翁詩種花舊比甘棠樹刻石今成峴首碑
使我一麾從此逝勝遊當不減君時

陰山

陰山天下險鳥道上峻嶒抱石千年樹懸崖萬丈冰悲
歌愁倚劔側步怯扶繩更覺長安遠朝光午未昇

畱別永叔

回車欲度幕南庭此地那知眼解青老覺鬢毛俱種種

醉來風動盡冥冥平時慟哭休論事遠別悲歌更忍聽
且共春風同入塞憶君時計短長亭

朱橋

朱橋柳映潭忽見似江南風物依朕是登臨昔所諳犬
聲寒隔水山氣晚成嵐畱恨無人境幽奇不盡撥

十二月二十七日宿柳河聞永叔是日宿松山作

七言寄之

相望不容三日行多岐無奈百長亭欲知河柳春來綠
正似松山雪後晴

澶州

窮谷迴看盡孤城平望遙

自古北口山至此都盡

市聲衙日集

此州

衙日市集

海蓋午時消

每旦海氣如霧至午消盡土人謂之海蓋

冠帶才通漢山

川更入遼春風解冰雪最覺馬蹄驕

紅玉誰家女

紅玉誰家女明艷奪青春羞人不得語含笑卻成顰

冀州正月十六日飲席

月缺雪殘雲亂飛千燈相照續長暉寒欺短夜禁杯酒
春入東風試舞衣老惜佳辰經歲得醉驚陳迹出門非
漁陽鼓節尤悲壯知我心從萬里歸

登平山堂寄永叔內翰

蕪城遠地隔人寰盡借朝陽萬壘山江氣橫吞飛鳥外
嵐光平墮酒杯閒主人寄賞來何暮遊子消憂醉不還

無限秋風桂枝老淮王先去更能攀

雨後回文
綠水池光冷青苔砌色寒竹深啼鳥亂庭暗落花殘

城樓

新晴疆人意步上西城樓雲煙開井邑綺繡錯田疇離
離麥就熟翳翳桑尚柔懷歸感初服覽物悵淹留

雨中聞鐘

疎鐘不隔雨迢遞入重城倦客未能寐歸禽初不驚霏
微隨暮色颯沓隱秋聲簾幕鮮風起明朝應蚤晴

與楊十二延平同登城東門

綠柳浮萍合青山畫幃開登臨共今古壯觀雜歡哀長

日消棊局微風疆酒杯浮雲滿西北容易雨飛來

蟻鬪

擾擾嗟何急營營若有侵由來穴知雨非爾旱爲霖王
伯疆并弱興亾古到今願推達觀理安得異機心

微雨登城

雨映寒空半有無重樓閑上倚城隅淺淡山色高低樹
一片江南水墨圖

中秋見月

微風送雨江南去涼月銜雲水上來暑氣頓除秋暗入
忽疑浮漢弄昭回

雨中送友入京兼柬諸親舊

江外五年別齋中三日留何能慰衰疾正足亂羈愁澤
國瓜時雨淮山桂樹秋思歸與招隱一二謝交遊

珍簟

珍簟平鋪水珠簾半捲風勞生高枕裏多事劇棋中性
僻非朝隱民淳賴歲豐翛然對松菊但覺訟庭空

蟬

微軀定誰恨清嘯不知勞屈宋悲秋苦夷齊臥隱高風
林含咽絕露葉動蕭騷何必催搖落人今已二毛

臨雨亭

秋至感人思登臨成惘然浮雲帝鄉外落日古城邊歸
燕聲相別幽花色可憐名山負獨往觸物見年年

和少述題虎邱

吳墟秦燼滅遺蹤惟見千巖鎖梵宮化出樓臺雙樹外
密移天地一壺中石形虎踞森相向劍氣龍蟠冷射空
羈宦無由蠟山屐因君詩句夢江東

谿上避暑

滴瀝松下雨清微萍際風欣欣此時賞我與斯人同倦
鳥墮水上遊魚翔鑑中不言閱羣動未覺幽興窮

樂郊漁臺下栢林中結茅作小亭命曰幽素木懿
臣刑部之書也謝且戲之

結茅更何好列栢自成林素履宜獨往幽人欣宿心炎
暉翳槐蓋清吹和瑤琴稍與事物遠忽如邱壑深良無

山水趣安得契知音

寄內

年久漸難禁遠別宵長初信有相思天寒輾轉不得寐
一夜風吹庭樹枝

丙申閏月鎮揚州與京師諸公別戊戌十一月受
詔還閣首尾僅三年爾朕原叔伯庸隱甫子奇公
南清卿之翰昌言八人者皆已徂謝感之悵朕作
七言寄滑州正臣密學給事

冠蓋如雲笑別時亦知陳迹易傷悲歸來未似鍾山醉
零落多于鄴下詩人事可憐駒過隙秋風幾許鬢成絲
何須更聽山陽笛欲近西州涕自垂

汾州有唐大曆中崇徽公主嫁回鶻時手蹟在石
壁上李山甫作七言詩并刻之子華永叔內翰皆
繼其韻亦同賦

錦車西去水東流漢節何年送解憂獨上青山自惆悵
疆歌黃鵠少淹畱遺蹤不逐哀笳斷麗句空增北渚愁
君念平城三十萬謀臣奇計已堪羞

同梅二十五飲永叔家觀所鈔集近事

陶公一畝宅尤愛北窗風心遠地成僻客來尊不空觀
書太史氏全性市門翁子亦何爲者於茲清賞同

聽女奴彈胡琴

女奴能爲馬上曲一彈一彈復一彈我醉已眠都不醒

半天落月微霜寒

獨行

南山半雲雨天氣雜暄寒野興空獨往春愁無定端鳥聲來靜聽柳色入遙看卻謝芳尊酒悠悠誰與歡

晦日

是月佳遊勝茲辰舊俗同會須陶一醉相與送諸窮江柳參差綠林花點深紅春期有大半作意競東風

喜雨

涼風響高樹清露墜明河雖復夏夜短已覺秋氣多艷膚麗華燭皓齒揚清歌臨觴不肖醉奈此粲者何

絕句

青苔滿地初晴後綠樹無人晝夢餘惟有南風舊相識
徑開門戶又翻書

芷亭

籍甚離騷後芬芬楚澤濱移根煩老圃比興得佳人秀色誰與玩清香不自珍吾廬故可愛況及物華春

瑞竹

雙幹同本
因以瑞名

聳節偶相望雪霜終不逃應將古人比孤竹有夷齊

獨宿直舍

談笑從容宮漏稀高軒去盡掩重屏風含玉宇霜威勁月墮瑤窗燭影微周衛相望喧夕警爐香不斷護朝衣
塵軀更覺仙山峻旅夢端從江海歸

直舍竹下殘雪二首

阿闕三階敵井榦宮牆十仞逼雲端故畱殘雪侵春事
欲傍孤篁老歲寒
重疊空階委玉塵蕭疎碧篠凍浮筠地寒自稱孤高節
不共陽林競蚤春

同持國過江十新築池塘亭

吏隱由來事郊居故自宐池臺隨意定泉石象天爲珍
樹移時語清風竟日棋市朝情久厭野老不相疑

庶子嶺帳館寄隱直

離腸易感歲華催更席龍沙望紫臺持節不眠宵自永
聽笳無事淚空摧扁舟何處山陰雪驛使他年嶺上梅

欲寄一書愁已亂天邊應候客星回

得貢甫巢縣書云阻風

別離常作惡衰老異他時望望風波苦悠悠兒女悲江
空人迹絕天迴鳥飛遲若復無雙鯉何由慰我思

和御製後苑賞花釣魚詩

四照繁英拂檻開九重紫蓋賞春來卿雲共和光華旦
瑞露偏凝沆瀣杯池藻躍魚波澹蕩林光傾日影徘徊
淮陽閉閣頭今白夢遶釣天惜未陪

駕幸飛山教場閱武侍宴

冬令三農畢時巡萬乘行川原分壁壘貔虎望麾旌王
氣雲成殿天光日繞營風隨鼓枹急塵絕馬蹄輕發石

機投短枰弦火激明響振平聲摧列缺影墮落欂櫨令下
疑霜肅恩加挾纊平拳旗輕俯仰奪槩妙縱橫壯士前
歌勇儒生縱觀榮炙行烽燧舉觴溢海濤輕清道遙傳
警鳴鞭夕向城欲知威畧遠區外讐天聲

贈別長安妓茶嬌

玳筵銀燭徹宵明白玉佳人唱渭城更盡一杯須起舞
關河秋月不勝情

陳副使遺藁

嘉善 曹庭棟 六圃 選

陳洎字亞之彭城人曾知懷州審刑院寶元間爲屯
田外郎慶曆五年轉吏部外郎加直史館遷度支副
使尋調鹽鐵皇祐元年以副使行河還卒其孫師仲
師道藏其手書遺詩二十五篇嘗出以示一時名公
如林希司馬光孫覺蘇軾蘇轍徐積錢世雄任希夷
李重俱有跋語極爲推重曲阜顏復弁序稱其詩辭
格秀古愈澹泊若愈淡如借宅云四壁舊貧寧畏盜
一枝雖小易容巢贈無已師云他年遠公社若箇是
遺民讀之令人灑然若醒今二詩全篇不可得零章

斷句朗誦一過已覺泯泯乎清風生於齒頰閒也

離郭店馬上回寄鄉知

迴望離亭映楚山慨然西笑入長安貪程野僕擔書引
惜別鄉人駐足觀霞襯曙光烘積靄柳和春雨蕩輕寒
遙期此地歸來日迎取相如駟馬看

黃鵠

呼樹止陵陽逢辰下建章奇姿標上瑞正色麗中央昭
祀祠壇畔聲歌太液傍鳳教鴻作侶天與菊爲裳神雀
非靈異流鶯愧采章集汗寧我類一舉戛雲翔

過項羽廟

八千子弟已投戈夜帳猶聞怨楚歌學敵萬人成底事

不思一箇范增多

寄寶臣寺丞

萬里扶靈宅壽阡謝公純孝是家傳廬開四尺同寒士
椽列三圍陋昔賢先域定生連理樹門人多廢蓼莪篇
我心罔極君應念露白霜清泣昊天

藍溪閒居

白鹿原東虎候西結廬岑寂映藍溪露侵僧履蘭三逕
春入農歌雨一犁聒枕溜聲疑水宿拂檐山色類嵒棲
閉門養拙無人問揭盡陳編日又低

開元寺凌虛閣對雪寄解唐卿

璫滴琳華一夜凝凌虛雕檻曉來憑眼觀銀色三千界

身到瑤臺十二層玉灑砌塵供庾斛粉融檐水妒房陵
化人宮好分明在恨不同君把袂登

雉媒

朱冠袞背一何鮮聲厲情驕目悍肤若道物情皆錫類
雉媒爭似鷓媒賢

還劉處士先令公郵功名錄

劉公事
朱梁

當年力戰蕩妖氛十萬雄師四七勳將畧妙欺班定遠
家聲高過李將軍銘圖魏鼎文猶在筆勒燕山跡尚分
今日閑披有遺恨可憐生不遇明君

讀劉蕡策

以指斥貴倖不顧忌
諱有司知而不取

藥石危言治亂箴賈生晁錯是知音可憐當日司文者

不畏人言合愧心

謝人惠三峯朱柿

烏椀珍果益丹名新折紅林蒂尚青漿冷夜凝仙掌露
味甘秋割楚江萍圓堆玉盃櫻難並贖薦金尊酒易醒
應念茂陵消渴者整籃封貯到雲扃

過田文墓

當年聞奏雍門琴話著池臺淚滿襟何況今朝陵谷畔
池臺無跡可追尋

對雪寄崔仲裕

時在藍田聞
崔在酒舍

奪鶴韜霞勢漸濃卷簾庭館好支筇乘查路闊寒凝凍
種玉畦平曉被封天上瑤宮當月圃海中銀闕聳鼇峯

思君不得同吟賞知在旗亭第幾重

南齊

曲江歡宴侍華裾舞拍琴歌菡有餘獨有純臣王叔寶

解陳封禪一篇書

南齊太祖曲江宴羣臣各使效技菡褚淵彈琵琶王僧虔彈琴沈文季歌

張敬兒舞王敬則拍王儉曰臣無所解惟解誦書因跪帝前誦相如封禪書帝笑曰此盛德之事吾何以堪之

湖上逢漁者

雨蓑煙笠洞庭秋獨蠶綸輕一葉舟擬共停橈醉天幕
緩歌濯足不回頭

秋日端居

暑退蚊雷靜門閑雀到稀露莎蛩自急星樹鵲何依井
白貧雖樂溪山遠未歸時情似秋鴈一一背寒飛

讀子虛賦

聽辭澁悵不同時及到同時位太卑爭似唐皇將頗牧
禁中言下用無疑

